



21997

III

Mag. St. Dr.

P

*resimilus**Lapartowia*

*Lapartowia floriani: Coronamentum virtutum  
et meritorum triumphale sacra benedictio*

PANEG. et VITAE

Polon. Fol.

№ 1319.







# CORONAMENTUM

Virtutum & Meritorum

## TRIUMPHALE,

## SACRA BENEDICTIO,

Roseis Præfuleis Manibus,

*ILLVSTRISSIMI, ET REVERENDISS: DOMINI,*

## D. STANISLAI

à SŁVPOW

## SZEMBEK,

DEI, & S. Sedis Apostolicæ Gratiâ,

## EPISCOPI DIONYSIÆ, SUFFRAGANEI, CA-

NONICI, VICARII IN SPIRITUALIBUS, ET OFFICIALIS

GENERALIS CRACOVIENSIS;

CAPITI PRETIOSO,

*PERILLVSTRIS, ac REVERENDISSIMI DOMINI,*

## D. CASIMIRI

## SOWINSKI,

DIVINA VOCATIONE

## ABBATIS NEOSANDECENSIS,

SACRI, & CANONICI ORDINIS PRÆMONSTRATENSIS

DIGNISSIMI,

Ad Crac: in ECCLESIA ZVERINECENSIS Sanctimonialiũ,

ACTU SOLENNI,

## IMPOSITA:

Indebitum Venerationis atq; Gratulationis argumentum,

à F. FLORIANO ZAPARTOWICZ,

In Alma Vniuersitate Cracoviensi, AA. LL. & Philosophiæ Baccalaureo,

eiusdem Conuentus & Ordinis Professo,

Filiali Obsequio

## HONORATA.

✠.✠.✠. Anno Domini 1699. Die 24. Februarij.

CRACOVIAE. TYPIS UNIVERSITATIS.



IN ARM A,  
Illustrissimæ Domûs  
LASOCCIANÆ.



21.997 III



Quid Soleata potest Virtus? en lubrica vincit,  
Et Pennâ Volucris missa Sagitta ferit.  
Hostem LASOCCÎ Soleato robore calcant;  
Quidni Victorum, Penna, SAGITTA, volet.



PERILLVSTRI,  
MAGNIFICO,  
AC GENEROSO DOMINO,  
D. MICHAELI  
LASOCKI,  
Succamerario Terræ Vissogrodiensis,  
Lubochnensi CAPITANEO, &c.  
Dño, ac Patrono Munificentissimo.



*Triumphalibus ad immortalitatem usq; coronari  
Lauris, Soleata Virtutis opus & gloria felix; non  
melius prominet, quam in suo Coronamento tri-  
umphet. Perillustri Magnifice ac Generose Do-  
mine. Imbelles quippe animas & blandi profes-  
sas otij, timor ipse confundit, nec ad excelsos trahit  
honores; imò, humi serpere & tardas consumere vires, peior natura  
consuevit. Felicitior illi in Coronamento gratia venit, cui indulgen-  
tius virtus soleata iter prosperat, laudatosq; passus nobiliore stimulo  
preparat. Hoc Tu Perillustri, ac Magnifice Domine Corona-  
mentum emeriti honoris, dum plaudente animo, dulci in Tuo pe-  
ctore gratulatione latissimus excipis; gratari hanc sortem calitus  
venisse in Benedictione, non immerito ludex Benignissimus censes.  
Grande Tua virtutis decus & laudatissima Honoris Tui aestima-  
tio, tantum isti Coronamento addit pretij; quantum amoris gra-  
tiosi habet. Nimirum juris sorte nativi Augustà ortus Prosapia,  
Reipublica Polona Nobile germen, inter tot sudatos pro Patria labo-  
res & feruentes aestus Gradiui victor toties, palmares triumphos He-  
ros Patria, Bellator & Confusus peperisti. Porro infracti munus  
pectoris Tui, si viva Virtus; publica pro Te certantium vota te-  
stantur; quam Augustus ludex, rebus in arduis palmam ceteris no-  
biliorem iustitia Censoribus Tibi vendices, ex iusto, gratiarum coro-  
nam*



nam semper promeritus. Fastis saeculorum asserti perennibus Prae-  
decessores Tui, immortalis Coronamentum gloria vivunt & per me-  
rita Heroica Virtutis gloriosa, toto orbe triumphant. Si alios im-  
menso sese, agmine explicantes Heroas, hac brevis pagella capere  
non possit, saecula loquantur. Perillustres ac Magnificus Dominus  
Amantissimus A V V S Tuus, VALENTINVS LASO-  
CKI, Succamerarius Vissogrodiensis, quantum virtute & meri-  
tis Orbem Polonum complenerit, voces publicae testes sunt. Solea-  
tus Heros, Herculeo robore potens Perillustres, Magnificus ac Gene-  
rosus Dominus A D A M V S Castellanus Vissogrodiensis Tuus Pa-  
rens Dulcissimus, omni virtutum genere felicissimus, quidquid prae-  
celsti animi & gloriae peperit, in Te Soleato Herede sanguinis Filio,  
Coronamentum reliquit. Age Tibi hanc brevis opella lucubratio-  
nem in Benedicto Coronamento, Magno Nomini Tuo deuovere  
iustum sit. Cum noviter Coronati Reverendissimi ABBATIS  
Neo-sandecensis, amoris Tui & gratia Sagittas, adeo in pectus de-  
fixeris; ut Tui portionem sanguinis Nobilissimam, Illustrem, &  
Magnificum STANISLAVM Filium Dilectissimum institu-  
tioni, non ex vano mensuram capiens, olim credideris. Hoc igitur  
Benedictionis Coronamentum ROSEIS calitus datum manibus,  
Tui sit gaudij corona & Honos: ut Soleatus omnem fortunam vin-  
cas, & aeternos vitae longaeua soles reuoluas felicissimus, Publicis  
apprecationibus votoq; meo profundissimo factus omnium Coro-  
namentum. Ita voueo & precor.

Perillustres, Magnificae ac Generosae  
Dominationis Vestrae.

Indignus Exorator & Humilis Servus.

F. FLORIANUS ZAPARTOWICZ,

O. P. C. S. P.



# CORONAMENTUM

Virtutum & Meritorum,

TRIUMPHALE,

SACRA BENEDICTIO.

**J**mmortale eximij Honoris decus capeffere,  
Virtutis Coronamentum ostentare est:  
ad quod, per vastos laborum anhelitus,  
nobiles animas vis innata trahit.

*Non enim ex jugo facili, lectæ corona juvant;  
quin sudatas curas expendere proponant.*

Ita est,

Laureatus honos, præmium Virtutis & meritorum,  
frontes exambit serenas;  
quas sudor irriguus proluerit.

*Propitius Calorum favoribus pretiari;  
Virtutum & meritorum impendio censerit.*

Fabios, Camillos, Horatios,

pulcher immortalis triumphus honos ornavit;  
sed non sine prævio laborum, & meritorum proventu.  
Celebratos tot Romæ triumphos & victrices coronas,  
Virtus gloriosa peperit.

*Alios profectò tenui herbarum fasciata manipulo,  
Corona decorent,*

*sedserta rosea, nobiliora tempora lambant:*

Illæ pictis coloribus tantum variatæ,  
hæc & venustum decorem, & odorem suavissimum fundunt.

*Fortune ludentis dignatione parti triumphus instabiles:*

*calitùs in auge benedictionis coronati,  
perennis gloria monumentum sunt.*

Hyblæas ne jacta rosas,

quas ætheris ros humectare consuevit;

quia has cælestis Gratia irrorat:

edò facundiùs, quò non sibi tantum feliciùs,



sed toti mundo fragrantiam gloriosius affundunt.

Gaudeant Pæstana rosaria cultu,

& Pangæus jactet roscidas,  
vespere tamen cadentes rosas;

*Tiaratis plenus gratiarum ex alto pluv,  
honos & reverentia, in benedictionis Coronam desinit.*  
Hoc Te hodie auspiciatissimo Superum favore coronari,  
suspiciamus, veneramur, & colimus,

*Perillustis, & Reverendissime Domine,*

D. CASIMIRE SOWINSKI,

DIVINÂ VOCATIONE,

Abbas Neo-Sandecensis, Coronate!

dignatione Numinum,  
concordia Vota Eligentium felix vicisti?  
novo Honoris Tui coronamento triumphans.

*Sacris benediceris in Corona ROSIS;  
quia roseis manibus,*

Illustrissimi, & Rndissimi Dñi,

D. STANISLAI à Słupow SZEMBEK,

DEI, & S. Sedis Apostolicæ Gratiâ,  
EPISCOPI DIONYSIÆ, SUFFRAGANEI,  
Canonici, Vicarij in Spiritualibus, & Officialis Generalis Cracov:  
Cujus augustum os & Gratia dulcis,  
in Benedictione Divina,

gratias Tibi ingeminat,  
& auspiciatissimos spondet successus.  
Agè tandem, Tuarum Virtutum & meritorum hoc Coronamentum,  
ex justo honoris pretium.

Quidni?

Tu melioris Lucinæ fasciis evolutus,  
tantum ab innato fervore desudaveris;  
*ut ad prima inventa Tuae argumenta,  
in admirandum Virtutis argumentum traxeris animos.*  
Solidioribus dein studiorum curis gloriosissime intentus,

per



per quæq; aspera & ardua scientiarum luctatus,  
Victor evasisti.

Candidissimæ Religioni,

Divina Voluntate, & Tuo animo promptissimo assertus.

*Perillustrem olim, & Reverendissimum Dominum,*

D. THEOPHILUM KACZYNSKI,

Abbatem Neo-Sandecensem,

Antecessorem, & Patrem Professionis Tuæ,

Virum, vt in Lilieto Præmonstratensi meritissimum;  
ita & in prospiciendo Successore maximè sollicitum meruisti.

Nec anxium fors elusit,

cùm ex fatidico oraculo, obitûs sui tempus & Successorem

CASIMIRUM,

ceu Testamento quodam,

quatuordecim ante annos manu propria consignavit.

Ita sanè

*Conscium probata Virtutis pectus Coronæ militat,*

*& honoris ius nativum habet.*

Venisti dignitatis Pastoralis ad hoc Coronamentum,

operoso passu & gradu felicissimo,

*ante Pater Virtutibus admirandus, quàm Pædo Abbas venerandus.*

Semper quippe felix fuisti in Candida Religione,

ex iusta omnium regula morum,

Magister Novitiorum:

primus ad omnes dignitates,

albis calculis omnium iudicatus.

T I B I

Reverendissime Domine,

in Celeberrimis Regni Poloniæ Conventibus,

ad hoc Coronamentum Benedictionis,

Officium hoc difficillimum & arduum,

non semel, facile præmonstravit iter.

Nam

non in Domo solùm propria Neo-Sandecensi,



verum & in Conventu Amplissimo Hebdoviensi,  
re & Nomine munus egregium Magisterij implevisti.

*Vbi tot profitentes virtutum indices habes,*

*quot Amplissimi Conventus indicant,*

*ex Religiosissima instructione Tua Professos:*

Profelsiq; cum omnium agmine Fratrum,  
gratantes, profitentur inde, & plausibiles voces promunt.

*Est certe vita Tibi semper directa supernas,*

*ad Leges, sequerisq; Deum.*

Hisq; ex probatissimis ac candidissimis Virtutibus,

justum Te sequitur Benedictionis Coronamentum.

Adamavit in Te has animi præstantiores dotes,

fese nobiliore explicantes honore,

*rigidi servator honesti,*

*Perillustris, Magnificus, ac Generosus Dominus,*

**D. MICHAEL LASOCKI,**

Succamerarius Terræ Vissogrodensis,

Lubochnensis CAPITANEUS &c.

Novit hic Iustitiæ Censor, non solum lites finium componere,

sed & gemmeis animis, auream censuram dare.

Et ideo,

Expectationis felicissimæ,

Magnæ Spei Filium suum,

**STANISLAVM,**

bonis artibus & moribus imbuendum,

Tibi concredidit.

Rigidè honestam in Te Regularis Vitæ normam probans,

altiori dignam honore,

propenso semper amore & voto judicavit;

*Tiaraq; Abbatiali ornandam non incerto prædixit:*

Vnde sub Coronamento Benedictionis,

potire Pedito Pastoralis, triumphas Tiaratus ABBAS.

*Vota amica amicam fecere Tibi Fortunam*

*ex Virtutibus.*

Retulerunt pridem Benedictionis Coronamentum

**Virtutes Tuæ,**



Ab Antiquissimæ CORVINORUM Prosapiæ  
Candidissimo Nostræ Religionis

Delicio & Statore,

*Perillustri, ac Reverendissimo Domino,*

D. MICHAELE IOSEPHO,

DE WILKOW,

WILKOWSKI,

Dignissimo Abbate in Brzesko Hebdoviensi,

ac Patre Nostro Dulcissimo.

Qui admiratus in Te Virtutum præcellarum Majestatem;

Votorum Regularium regulatissimam vitam,

placida ad omnium animorum compositionem tempe,

primam ad labores in candida Vineâ Præmonstratensi alacritatē,

officiosissimam in cunctos Tuam propensionem æstimans,

submitit cor & Vota,

Teq; in Conventu Amplissimo Hebdoviensi constituit

Priorem:

nec errare potuit,

singula prospiciens candidissimo oculo;

*Quia sæculis dicendum & amandum*

*Celi candidi Præmonstratensis*

*Te Phæbum censuit.*

Perbellè enim in Te pretiosarum Virtutum vidit, ac serio

probavit Pantheon;

Quod Te, ad hoc usq; Benedictionis Coronamentum feliciter evexit.

Nec mirum,

Illustrissimæ Soleæ innatum est,

*Ceteris ad excelsam honorum augem parare viam,*

*quâ præmonstrati, ad monstratum facilius perveniant coronamentum.*

*Non convenit jis quiescere, quos ad rotam ingentium curarum,*

*aptos natura enixa est;*

*Orbisq; luce non indignum, aliorum in exemplum efformavit.*

*Sole virtutes amplissima, ut unico loco contentæ non sunt;*

*ita modicis spatijs, minuscq; notis latebris contineri refugiunt.*

*Æviterne memoriæ, non minùs semper, quàm vbivis,*

*ut clarescere possint, avidiores poscunt.*



Cùm meritò, infinita theatra sciant sibi deberi.  
Ad grandia & præclara instructus ornatusve virtutibus  
animus Tuus

*quantùm clamore iuvatur*

*Eleus sonipes;*

tantùm laborum ponderibus,  
ut se Herculem præsentaret incitabatur.

Parens mandato superiorum,  
Viribus virtutibusq; suis non renitens,  
suscepit curarum, curam multò maiorem,  
apud sacratiores in terris animas,  
Vitam Angelicam, quia candidam viventes,

Sacras nimirum Vestales,  
ad Emporium Virtutum & animorum Cracoviam,  
Parthenonis Zverinecensis.

Ubi

quanta candidæ virtutis specimina, speciosiq; candoris,  
in varijs curarum & negotiorum generibus  
exemplum dedisti;

vel inde certissima tessera capienda sit;  
quòd sanctiores animæ illæ,

**Illustriissimarum Domorum,**

non solum gratanti animo, gratiosissimos prosequuntur labores Tuos,  
*Et viam Magnæ speciem Virtutis adorant;*  
sed & opera post tam strenuè celebrata  
tantò in loco,

non restabat vllum magnificentius dexteritati Tuæ,  
quàm Abbatialis dignitatis Theatrum,  
Coronamentumq; Verticis Tui

**Benedictio.**

Venisti inde felicissimus, alteri ad hanc Prælaturam  
album calculum dare, minimè Tibi dandum præsumens;

*verùm Divinâ providentiâ*

*Virtutumq; emerita merces,*

Omnium corda & animos unaq; candidissimos calculos,  
in Tui amorem plausu maximo duxerunt;

*Ut Vir-*



*Vt Virtutes probatæ dignam mercedem reciperent.*  
*Exantlatarum quidem ratio virium, totum in suffragijs pondus;*  
*sed animus quoq; omni genere eruditionis plenissimus,*  
*simulq; compositus in se & paternus,*  
*votorum pro Te summa ratio,*

Theatrum Tibi in eligentium trutina construxit,  
& amplum & celsum.

Pedo Abbatiali, Coronamentoq; Benedictionis dignum  
perconsendo.

Prosperabat iter Tibi ad hunc Dignitatis splendorem,  
ornata Cruce & Sagittis SOLEA armata  
*Perillustris ac Reverendissimi Domini,*

D. IOANNIS THEOPHILI

DE KOTLEWO

GRZEMBSKI,

Strzelnensis, & Lanciciensis, PRÆPOSITI INFULATI,  
Per Poloniam & Livoniam, Vicarij, & Visitatoris Generalis,  
non solum ex Officio, sed etiam ex Commisso

Celsissimi Principis, Ducis Severiæ,  
Deputati.

Qui primus pro Te omnium tenens in manibus Vota,  
tulit calculum subiecitq; candidum.

Nimirum Te,  
vt arbiter morum & animorum, hæc dignissimum Prælaturâ  
censuit & instituit.

Tandem venit

Vt post tot Virtutum Tuarum Lydios lapides,  
quò vigilantior eò amantior, dotum Tuarum,  
antè rigidus Censor, nunc Vigilantissimus Custos  
Illustrissimæ Prosapiæ Debicianæ GRYPHUS,  
*Unguibus & rostro atq; Alis armatus in hostem,*  
undiq; Princeps,

Peraugusti Capituli Cracoviensis,

Decus, & Ornamentum,

Palatinatûs Sandomiriensis



Gemma, Ocellus, Fulcrum & Columna,  
*Perillustis ac Reverendissimus Dominus,*

D. CHRISTOPHORVS  
DEBICKI,

V. I. D. Ecclesiarum, Cathedralis Cracoviensis  
& Collegiatæ Sandomiriensis Canonicus & Officialis,  
Præpositus Stobnicen: S. R. M. SECRETARIUS,  
ad Electionem pro tunc Commissarius,  
Te hoc dignum honore iudicaret.

Hic Virtutes iuremerito pretiosiores æstimans auro,  
operosius quàm Scytharum olim Gryphi,  
ad auri thesauros excubias tenentes,  
ne effoderentur ab Arimaspis,  
Latus Tuum tenuit.

Quippe.

*Ex præmissa virtutum Tuarum trutina,  
illas Commissario coronavit volo.*

Labore & diligentia advsq; Benedictionis Coronamentū advigilavit;  
Pro summo decore, sublimis Tuæ Sapientiæ,  
Ornamentoq; Ordinis PRÆMONSTRATENSIS,  
Et Custos & Pugnax certavit.

Fasciavit has altissimorum Ingeniorum  
trutinas anxias & concordantia vota,  
sæculorum pretium & sanctitatis nexus,

Illustrissima FASCIA,

*Celsissimi PRINCIPIS, Illustrissimi, & Reverendissimi Domini,*

D. IOANNIS De MALACHOWICE

MALACHOWSKI,

Dei & S. Sedis Apostolicæ Gratiâ  
EPISCOPI CRACOVIAN: DUCIS SEVERIÆ;

dum Te libenter instituit, libentius demandavit  
Coronamento Benedictionis exornare.  
Pastoralis hic Paternusq; Candor & amor aureus,  
Aurei Oris, Sancti Chrysostomi,  
os simul & cor imitatus est.

*Summa omnium bonorum est, esse benedictum.*

Ex Be-



# Ex Benedictionis fonte

in Conventum Nostrum,

largiores emanabunt prosperitatum rivuli,  
incomptæ cessabunt indigentia, & turbines.

*Benedictio facit diuites nec sociabitur eis afflictio.*

Approbante hoc Legis Latore Nostro

**DIVO AUGUSTINO:**

*Benedictio Patrum firmat domos filiorum.*

Quid non faciet Benedictio, à fragrantibus procedens Rosis?  
quarum sæcula suavissimo recreantur odore.

Ergo

Perillustis, & Reverendissime **ABBAS**

à redolentibus **ROSIS**, his

Tuas manent Virtutes suavissimi odores,  
Nostrum Conventum aureorum temporum certa felicitas.

Sume itaq;

Ex Sacris, **ROSARUM** plenis manibus,  
**ILLUSTRISSIMI PRÆSULIS DIONYSIÆ,**  
**Præsulem Tiaram,**

Conventui ex Ordine debitam, Tuisq; adnatam Virtutibus.

Sub cuius novo auspicio,  
prosperitatis gaudia ominamur.

Accipe annulum Pyrrhi & Syllæ Dictatoris æstimatione præstantiorē,  
Præmium Tuarum Virtutum & pretium.

*Vera quippe Virtus finem nescit,*  
*nec Tua sciet nisi immortalem,*

Recipe fulcimen Potestatis & Honoris,

**Abbatiale Pedum, Pastorale Insigne,**

quo corrigas & dirigas, memor horum versuum;

*Attrahere per Summum: medio rege, punge per imum.*

*Attrahere, sustenta, stimula; vaga, morbida, lenta.*

Induere scuto pectoris,  
gloriosissimo signo salutis,

**Cruce Sancta;**

ad manifestandas Candidi pectoris Tui  
Paternas & Pastorales tesserar;



ad expugnandas incompexarum sentinas invidiarum;  
adtuendum gratantium animorum hilares frontes,  
**vt sub Benedictionis Coronamento,**

*Fortis dicaris & Benedictus.*

Lentis quidem passibus,  
ad augustum hoc pervenisti Coronamentum;  
sed mora ista Tibi gloriosorem,  
nobis gratiorem peperit triumphum.

*Quæ enim tardiùs eveniunt, feliciùs succedunt.*

Habeat jam felix Benedictio Tua,  
hoc in auspicijs suis maximum,  
quòd volupè nobis sit, eò Te votis omnibus  
& animorum dulci gaudio sequi;  
quò Te intulit arcana rerum in Orbe series,  
quæ Deo soli nota, à fastis immortalibus pendet.  
Immolamus voluntates iterum, regimini Tuo subiectissimas  
in thymiama suauissimum,

offerimusq; intimas cordium voces in Hecatomben;  
eo animo, quo Te semper desiderabamus,  
Benedictionis ornatum coronamento videre.

Ex quo Tibi jam Reverendissime Domine,  
gratantium applaudentiumq; lætitia occinit celeusma.

**In Præmonstratensi Lilieto,**

Vive à fragrantibus coronatus ROSIS, innubes dies;  
Roseas cum Nestore annorum Myriades;  
cum Metello numerans Fortunarum copias:

Vt ex hoc honore, non absq; onere,  
gloriosius, seras post temporum congeries,  
in supremo Olympo  
merearis Coronari

**æternæ Benedictionis  
CORONAMENTO.**



*2. xxi. 17*



Biblioteka Jagiellońska



stdr0024774



